



Sarajevo, 20 decembar 2018.

**Podrška pripreme za implementaciju ciljeva održivog razvoja i angažiranje privatnog sektora**

## **NAGRADA ZA BIZNIS LIDERE ODRŽIVOG RAZVOJA ZA 2019.**

Nagrada za biznis lidere održivog razvoja u Bosni i Hercegovini je prva godišnja nagrada ove vrste u Bosni i Hercegovini s ciljem promocije aktivnosti privatnog sektora u oblasti održivog razvoja u zemlji.

Privatne kompanije već implementiraju hvale vrijedne aktivnosti i strategije koje doprinose ciljevima održivog razvoja, kako na globalnoj razini, tako i u Bosni i Hercegovini. Nagrada za biznis lidere održivog razvoja ima za cilj:

- prepoznati i istaknuti napore privatnih kompanija u realizaciji ciljeva održivog razvoja u BiH,
- motivirati druge aktere u privatnom sektoru da uvrštavaju ciljeve održivog razvoja u svoje poslovne modele.

Nagrada se organizira u okviru projekta „Podrška pripreme za implementaciju Ciljeva održivog razvoja (SDGs) i angažiranje privatnog sektora“ kojeg provodi UNDP i finansira Vlada Švedske.

### Glavne teme i opći uslovi za aplikacije

Fokus ovogodišnje nagrade jeste stvaranje dobrih radnih mjesta i zaštita okoliša. Stoga će se kroz ovu aktivnost pokušati identificirati biznis lidere održivog razvoja u Bosni i Hercegovini za 2019. godinu u dvije tematske oblasti a to su „Ljudi“ i „Resursi i okoliš“.

#### Tematska oblast „Ljudi“:

Nagrada za biznis lidere održivog razvoja za 2019. u ovoj kategoriji dodjeljuje se kompanijama koje su inspiracija drugima zbog načina na koji postupaju sa svojim uposlenicima i klijentima i omogućuju dostojanstven rad (SDG 8. i SDG 10). Posebna pažnja se posvećuje prepoznavanju kompanija koje su vodeće u osiguranju radnih uslova i postupanju sa ženama u svojim kompanijama (SDG 5). Nagrada će također promovirati etičko poslovanje i rješenja koja dovode do politika nulte korupcije na razini preduzeća (SDG 16).

#### Tematska oblast „Resursi i okoliš“

Nagrada za biznis lidere održivog razvoja u BiH za 2019. u ovoj kategoriji dodjeljuje se kompanijama koje dokazuju da razmišljaju o svom ekološkom otisku kao i onima koje namjenski i kontinuirano unapređuju svoje lance vrijednosti (SDG 12. i SDG 9). Također će se vrednovati ulaganja u ljudske resurse, istraživanje i razvoj i nove tehnologije te proces inovacija unutar kompanije (SDG 5. i 11).



## Kategorije kandidata

Nagrada za biznis lidere održivog razvoja dodjeljuje se malim, srednjim i velikim kompanijama koje prijave svoje projekte.

Pod **malom kompanijom** smatra se svaka kompanija koja zapošljava od 10-49 radnika/ca.

**Srednjom kompanijom** se smatraju kompanije koje upošljavaju od 49 – 249 radnika/ca.

**Velike kompanije** su kompanije koje zapošljavaju više od 249 radnika.

## Nagrade

Kompanije se mogu prijaviti sa jednim ili više projekata u okviru predloženih tema (jedan projekat za temu "Ljudi" i drugi projekat za temu "Resursi i okoliš").

Nagrada se dodjeljuje za najviše šest kompanija tokom svečanosti godišnje dodjele. Pobjednici će biti nagrađeni u tri kategorije s naglaskom na dvije tematske oblasti (npr. pobjednik u kategoriji "Ljudi" za mala, srednja i velika preduzeća).

Također se predviđa i ukupni pobjednik takmičenja (Apsolutni pobjednik).

Apsolutni pobjednik se bira među kompanijama koje su prijavile jedan ili više projekata u obje tematske oblasti te koje ostvaruju izuzetne rezultate u obje kategorije.

Organizator aktivnosti zadržava pravo da ne dodijeli priznanje u nekoj od kategorija, ukoliko se za tu kategoriju ne prijavi dovoljan broj firmi ili prijavljene aplikacije ne budu odgovarajućeg kvaliteta. Ukoliko se u okviru neke kategorije prijavi manje od tri firme, one će biti pridružene aplikacijama u kategoriji koja je najbliža onoj u kojoj su konkurisali i imaće ravnopravan status za dobijanje nagrade.

## Kriteriji za ocjenjivanje

Komitet za evaluaciju će pregledati svaku nominaciju i samostalno će ocjenjivati sve relevantne prijave.

Rezultati pojedinačne procjene svakog člana odbora će dati ukupan zbir bodova za svaku aplikaciju. 3-5 aplikacija sa najviše bodova u svakoj kategoriji biće u užem izboru i pozvani na završnu ceremoniju. Pobjednici pojedinačnih kategorija će biti proglašeni od aplikacija selektovanih u užem izboru.

Sistem evaluacije je sljedeći:

Komisija za evaluaciju će uzeti u obzir 4 polja za evaluaciju. Polja koja se razmatraju pri svakoj aplikaciji su: Opći dojam (10%) i tri tematska pitanja (3x30%).



Unutar polja postoje tri indikatora koji se ocjenjuju i boduju. Bodovanje se zasniva na skali od 1 do 10 (gde je 0 negativna a 10 najbolja ocena).

## Komisija za procjenu

Komisija za procjenu Biznis lidera održivog razvoja u BiH se sastoji od predstavnike javnog, privatnog i neprofitnog sektora, zajedno sa SIDA-om, i UNDP-om, koji će odlučivati o kompanijama koje su ušle u uži izbor u svakoj kategoriji na osnovu prve selekcije aplikacija pripremljenih od strane projekta.

Nominirani kandidati će biti odobreni od strane Radne grupe za privatni sektor SDG-a. Nakon odobrenja i nakon dodatne elaboracije svakog pojedinačnog slučaja (uključujući zahtjev za dodatnim informacijama i „due diligence“ proces gdje je to potrebno), komisija za ocjenjivanje će donijeti konačne odluke.

## Kako aplicirati?

Proces prijave se temelji na e-aplikaciji dostupnoj na ovoj web stranici. Koristeći e-obrasce, kompanije odlučuju da li da dostave prijave u jednoj ili obje tematske oblasti. Samo kompanije koje se prijavljuju u obje tematske oblasti mogu biti proglašene za ukupnog pobjednika Nagrade za biznis lidere održivog razvoja u BiH (prema kriterijima za odabir ukupnog pobjednika). Moguće je da pobjednik u određenoj kategoriji i tematskoj oblasti također bude proglašen ukupnim pobjednikom na svečanosti dodjele nagrada.

Nagrada je otvorena za sva preduzeća iz privatnog sektora iz Bosne i Hercegovine i one koje imaju svoje registrirane poslovne objekte na području Bosne i Hercegovine i zapošljavaju građane Bosne i Hercegovine.

Mala, srednja i velika preduzeća mogu prijaviti projekte koji odražavaju njihove napore na rješavanju pitanja održivog razvoja, donose profit i čine kompanije otpornijim, uz istovremeno poboljšanje životnog standarda građana Bosne i Hercegovine. Prijave za Nagradu za biznis lidere održivog razvoja u BiH otvorena je od 1. januara do 10. marta 2019. godine.

***NAPOMENA: Projekat zadržava pravo povlačenja priznanja za biznis lidere održivog razvoja u slučaju da kompanija ugrozi realizaciju SDG-a i Agende do 2030. godine u cjelini ili se naknadno utvrdi kao reputacijski rizik za kampanju Nagrade za prvake iz privatnog sektora ili UN.***

*Konkurs je otvoren od dana objave do 1. Januara 2019. godine, a rok za dostavu aplikacija je 10. 03. 2019. godine u 23:59 sati.*